



**Ilinniartitsisut Meeqqat Atuarfianneersut Kattuffiat  
IMAK**

**Sinniisoqarfiup ataatsimiinnera 2007**

**Katuaq  
Nuuk**



## 1. Ataatsimiinnerup ammarnera aqutsisussamilu qinersineq

Ataasinngornermi april-ip 16-iani nal. 19.30 sinnisoqarfiup ataatsimiinnera Sivso Dorph-imit ammarneqarpoq.

Siulersuisunit Ole Frederiksen imaqarniliortussatut toqqarneqarsimavoq.

Siulersuisut sinnerlugit siulittaasup Mikkel Michelsen ataatsimiinnermi aqutsisussatut siunnersuutigaa.

Mikkel Michelsen aqutsisussatut qinerneqarpoq.

Mikkel Michelsen-ip qinigaanerminut qujariarluni sinnisoqarfiup ataatsiinnissaanut aggersaaneq IMAK-ip malittarisassai naapertorlugit pisimasoq uppenarsarparaa, taamaalillunilu kalerriutigisinaanarerlugu ataatsimiinneq inatsisit naapertorlugit kalerriunneqarsimasoq aggersaasoqarsimasorlu.

## 2. Suleriaaseq

Siulersuisut suleriaasissaannik siunnersuut ataatsimeeqataasunit tamanit akuerineqarput. (Ilanngusaq takuuk)

Tamassuma kingorna taasinerni kisitsisartussat sisamat qinerneqarput: Mala Kuko, Frants Rafaelsen, Marius Frederiksen, Ruth Mathæussen.

Lisbeth Frederiksen-ip sinnisoqarfimmi ilaasortat aqqi tulleriiaarlugit taagorpai:

**Sinnisoqarfiup ataatsimiinnera 16. – 17. april 2007.**

**Sinnisoqarfik:**

*Lars E. Hansen, Nanortalik – aggersinnaanani kaleriisimasoq*

Jokum Møller, Qaqortoq

Pierre A. Krogh, Narsaq

Holger Simonsen, Paamiut

Inger Berglund Kleist, Nuuk

Cecilie Vahl, Nuuk

Bodil Kleist, Nuuk

Erik Christiansen, KIIP

Elna Heilmann, Maniitsoq

Ulla Nielsen, Sisimiut

Lena Johnsen, Sisimiut

Marius Frederiksen, Kangaatsiaq

Frantz Rafaelsen, Aasiaat

Ellen Michaelsen, Qasigiannugit – *angalanissaminut ajornartorsiuteqarluni*

*anngutinngilaq*

Ando Møller, Qeqertarsuaq

Lis Møller, Ilulissat

Ruth Mathæussen, Ilulissat

Lars Therkildsen, Uummannaq

Abigael Lennert, Upernavik

Karen Karlsen, Upernavik

*Bent – Ole Knudsen, Qaanaaq – aggersinnaanani kalerriisimavoq*

Mala Kuko, Tasiilaq

Henrik Lyberth, Tasiilaq

Anders Krog, Ittoqqortoormiit

Lars Peter Sterling, Aqutsisut sinniisaat

**Arne Munk, Aqutsisut sinniisaat – Aggersinnaanani kalerriisimavoq**  
Lars Ejnar Kvist, Nunaqarfiit atuarfiini aqutsisut sinniisaat

**Siulersuisut:**

Sivso Dorph, siulittaasoq  
Johan Reimer, siulittaasup tullia, Aasiaat  
Mikkel Lybæch, siulersuisuni ilaasortaq, Tasiilaq  
Paul Raahauge, siulersuisuni ilaasortaq, Nanortalik  
Esther Rosing, siulersuisuni ilaasortaq, Nuuk

**3. Siulittaasup nalunaarutaa**

Siulittaasup nalunaarutini saqqummiuppaa – ilanngussaq takuuk.

Tamassuma kingorna ataatsimiinnermi aqutsisup nalunaarut ataatsimeeqataasunut agguatsipaa, nammineq misissuataarluarneqarsinnaaniassammat.

Ataatsimiinnermi aqutsisup qanoq nalunaarutip sammineqarnissaa, tassungalu siunnersuutit nas-siunneqarsimasut qanoq ilanngunneqarnissaat pillugit eqqarsaatini saqqummiuppai.

Ataatsimiinnermi aqutsisup periusissamut siunnersuutaa oqaaseqarfigineqanngilaq.

**Siulittaasup nalunaarutaata immikkoortiterna:**

Sammasaq	Oqaatigumasat	Siunnersuut nr.	Allatat	Oqaatigisat
----------	---------------	-----------------	---------	-------------

**Perorsaanermut tunngasut**

Naleqqiiffik Siunnerfiit				2-3
Ilinniartitsissusaaleqineq			4	
Suleqatigiinnermut ataatsimiititaliaq			4	
Naliliinnermut nalunaarusiaq			4-10	
Ilinniarfis- suaq/ilinniartitsisunngorniat			10-11	
Inerisaavik			11	
Sumiginnaasarneq			11	

**Sullivimmut tunngasut**

Isumaqatigiinniarnert 06		3	11-14	
Piffissaq suliffissaq pillugu isumaqatigiissut			13	
Akissarsiat ilaat sumiiffinni isumaqatigiinniutissat			14	3-4
Suleqatigiinnermut ataatsimiit.			14-15	
APV				5-6
Feriarnerni angalanernut aningaasateqarfiit			15	
Soraarnerussutisiaqarfiit			15	6

**Aaqqissuinnermut tunngasut**

Kattuffik		1	15-16	
Ilaasortat			16	
Ilaasortanik ataatsimiititsisarneq			16-17	
Siulersuisut			17-18	
Aningaasaqarneq			18	7
Allattoqarfik			18	7
Sinniisunik pikkorissartitsinerit			18	7
Aqutsisunik pikkorissartitsinerit				7
Nunaqarfiit atuarfiini aqutsisut kiisalu inatsisilerineri pikkorissaaneq			18	
Danmarks Lærerforening			18-20	8
Nordisk Lærerorganisationers Samråd			20	
Sullivimmi atukkat/ Arbejdsmiljørådet			20-21	
Sanaqqiineq			21	
Piginnaangorsaanerimi Siunnersuisoqatigiit			21-22	
ICC			22-23	
PIP & suliaqarfisigullu kattuffiit allat			15-16,23	6-7
KANUKOKA			23	8
KIIP			23	8
FTF			23-24	

**Allat**

Ilinniartitsisoq			24	
Qarasaasiaakut nittartagaq			24	
Taarsigassarsisitsisarfiit Tjenestemændenes Låneforening & Danmarks Lærerforenings Låneforening			24	
Nalunaarsuut			25-28	

Tamassuma kingorna sinnisoqarfiup ataatsimiinnera unitsinneqarallarpoq marlungornermi ullaakut nal. 09.00 nangittussanngorlugu.

Ataatsimiinneq marlungornermi 14. april 2007 nal. 09.00 nangippoq.

Siulittaasup nalunaarutaa oqaluuserineqarpoq:

**Perorsaannermut tunngasut**

**Naleqqiiffik**

Oqaaseqarfigineqanngilaq

## **Ilinniartitsisussaaleqineq**

Oqaaseqarfigineqanngilaq

### **Suleqatigiinnermut ataatsimiititaliaq**

Henrik: Atuarfiit pisortai Suleqatigiinnermut Ataatsimiititaliani ilaasortaanersut apeqqutigaa.

Sivso: Atuarfiup pisortaa Suleqatigiinnermut Ataatsimiititaliami siulittaasuujuaannartussatut malit-tarisassani innersuussutigineqarpoq.

Lis: Sinnisoq siulittaasup tullerivaa?

Bodil: IMAK-imut saaffiginnittarnissaq kajumissaarutigaa, ingammik piffiit Suleqatigiinnermut Ataatsimiititaliaanni ingerlanerluttut eqqarsaatigalugit.

Marius: Bodil taperserpaa, ilaatigut piffinni ataasiakkaani suleqatigiinnerup ingerlalluarnissaanut piuumassuseqannginneq patsisigalugu.

Ruth: Marius-ip nunaqarfiit pillugit oqaasii taperserpai.

Sivso: Ilaatigut Suleqatigiinnermut Ataatsimiititaliat pillugit aqutsisut pikkortissartinneqarsimapput. Piffissaq iluatsillugu Suleqatigiinnermut Ataatsimiititaliat pingaaruteqarneri naqissuserpaa. Bodil-ip oqaaserisai isumaqatiginerarpai, allattoqarfimmillu alaatsinaanneri oqaatigalugu. APV isumalluarfi-ginerarpaa.

Isumaqatigiinniarnert Naleqqiiffillu pissutaallutik 2006-ip ingerlanerani siulersuisut atuarfiit ikit-tuinnaat ornissinnaasimavaat, siunissamili akulikinnerusumik tikeraartarnissaq anguniarneqassaaq.

Lis: Piffissaasuaneq uggornarpoq. Apeqqutit ataatsikkut pineqarnerat aamma uggornarpoq.

Bodil: 3. aamma 7. klassini misilitsittarnerit eqqaavai – atuartut atuagarsorpiarsimangitsut eqqar-saatigineqarsimangillat. Misilitsinnerit illuatungaannarsiorpallaarput.

Sivso: Oqaaserineqartut immaqa paatsoornernik aallaaveqarput. Uani nalunaarut naggataarutaasu-mik misilitsitsinnermut tunngasoq novembarimi 2006-imi tusarniaavigineqartussatut saqqummiun-neqartoq pineqarpoq – alloriarnissamut misilitsinnerit pineqanngillat.

Pierre: Karakteriliisarneq pillugu apeqquteqarpoq – karakterileriaaseq 12 atorlugu karakterilii-soqartalissava?

Elna: Pierre isumaqatigaa. Atuartitsisunut atortussanik Inerisaavimmit amigaateqartoqarpoq – ann-guttartut kingusinaarlutik takkuttarput.

Tassungaa atattillugu Inerisaavimmi sulisut amerlineqartariaqarput – piffissarmi atorneqartoq anner-tusiartuinnarpoq.

Lis: Aappaagu misiliinissanut iliuusissat misiligarneqarneqarnerarpai qarasaasianillu amigaateqar-neq eqqaallugu.

Sivso: 13 tikillugu karakteriliisarneq taamaallaat eqqartorneqarpoq. Allatut karakteriliisarnerup atuutilersinnissaanik ilisimasaqanngilagut. Inerisaaviup amerlanerusunik sulisoqalersinnaanissaa pissusissamisuussaaq, tamatumani atuarfiit ikorfartornissaat anguneqarsinnaassammat.

Qarasaasianik atuineq ulluinnarni atuartitsinnermi atorneqartarsimanerintu attuumassuteqarpoq - kommunillu tullerilaarnerat tassani apeqqutaavoq.

Inger: Nalunaarutissiap suliarineqarnerata sukkaappallaarnera ajuusaarutigaa.

Lars: Nunaqarfinni 10. klassit naggataarutaasumik soraarummeersinnaapput; ilinniartitsisulli ami-gaateqarput; taamaammat atuartut suli Uummamnamukartariaqartarput, naak angerlarsimafimminni soraarummeersinnaagaluarlutik.

Lars-Peter: Kingusinnaartumik nassitsisarneq kingumut naammagittaalliutigineqarpoq. Tusarniaa-nermut atugassat siusinnerusumik nassiusortarnissaannik Naalakkersuisut sakkortunerusumik

IMAK-mit kimigiiserfiginissaat siunnersuutigaa.

Bodil: Ilaatigut oqaluttariarsorluni misilitsinnerni oqalutseqarnerup tungaatigut ajornartorsiutit pil-lugit apeqquteqarpoq.

Sivso: Bodil-ip saqqummiussaanut atatillugu: Tassa taannarpiaavoq siulersuisuni eqqartorsimasarput. Atuartup pisinnaasai amerlanerpaat sapinngisamik qaffatsinniarlugit oqalutsinik atuineq periarfissiuuttariaqarpoq.

Kingusinaartumik nassiussuisarneq ajornartorsiutaavoq. Maannakkut pineqartumi nalunaarummut missiliuut atuarfinit anngussinnaaniassammat tusarniaanermut piffissaatitaasoq sivitsortipparput. Nalunaarut taanna siulersuisuni pingaartillugu salliutissimavarput. Tamatta soqutigisatsinnut attuumassuteqartut pineqaraangata suleqatigiilluarnerusarnissaq KIIP-mut siunnersuutigissavarput. Neriuppunga siunissami taamatut pisoqaqqissanngitsoq.

Uummannami aalajangersimaneq ajuusaarutigaa.

Inger: Aqutsisut tusarniaanermi akissutaat tusaatissatut tiguinnartariaqarsimavarput – allatut ilior-nissatsinnut piffissaqarsimanngilagut.

Sivso: Ajuusaarnaraluaqaaq, periarfissalli taamaassimapput.

### **Ilinniarfissuaq / ilinniartitsisunngorniarneq**

Bodil: Iliniarnissaminnik qinnuteqartut akuerineqarnissaminnut inorsartut annertunerusumik pikkorissarneqartalermissaat kajumissaarutigaa.

Jokum: Najugarisaq qimannagu ilinniartitsisunngorniarniaq eqqumaffigisariaqarpoq – tamatumani allat akigalugit GU-meersunik toqqaannartumik akuersisoqartarpoq. Ilinniarfissuarmi Atuarfitsialaap ingerlannera malinnaaviginiarunikku atuarfiit qaninnerusumik suleqatigisariaqarpaat.

Sivso: Oqaaseqartut isumaqatigaakka. GU-meersut kisimik akuerineqartarsinnaanngillat – asser-suutigalugu ilinniartitsisunngorusuttut allat pikkorissaanerit aqutugalugit piginnaasamikku qaffasartinneqarsinnaapput taamaalillutik piumasqaatinut anngussinnaalerlutik.

Ilinniarfissuarmut akuerisaanissamut piumasqaatit tunngaviusut eqqaavai.

Ilinniartitsisussaaleqineq pillugu suliniutinut IMAK-ip aallaqqaataaniilli akuutinneqarsimanngin-nera ajuusaarutigaa. Maannakkulli suleqataalerpugut, tamannalu qilanaaraarput.

Ilinniarfissuaq pillugu oqaaserisanut isimaqataavunga.

Ando: Ilinniartitsisut piginnaanikinnerusut fag-ini tiimikinnerusuni atorneqarsinnaapput, taamaaliornikkut piginnaanerusut fag-inut allanut atorneqarnissaat periarfissinneqassammat.

Bodil: Kikkugaluartulluunniit ilinniartitsisunngorniarnissaminnut periarfissinneqartartutut isikkoqarnera erngumanartoqartippara. Ilinniarneq taanna nalikillisarneqassanngilaq.

Sivso: Isummat saqqummiunneqartut ataatsimiititaliami ataatsimiinnissatsinnut ilanngutissavagut. Aamma tamakkorpiat pillugit Ilinniarfissuaq oqaloqatigisareerparput.

### **Inerisaavik**

Bodil: Pikkorissarnerit piffissaq kingullerpaaq atorlugit ingerlanneqartarmata ajornartorsiutaavoq. Aallartiffissai ulloq ataasiinnaq sioqqullugu nalunaarutigineqarajupput. Tamanna atuarfimmu-imaannaanngitsunik kinguneqartarpoq. Kissaatiginaraluaqaaq ukioq kaajallallugu piffissalersoreer-lugit pilersaarusiortoqartalerarpat.

Cecilie: Bodil isumaqatigaara. Nuummi ilinniartitsisut CREDE-mik neqeroorfigineqarsimapput; Nuup Kommune-atali pikkorissarnissaq sipaarfigisimavaa akunnernik 20-nik sivikillisillugu. Pikkorissarneq taanna tamanit tamakkiisumik misilittariaqaralarpoq.

Elna: Tamatta CREDE najoqqutaralugu ilinniartitsisinnaanissarput kommunimit kissaatigineqar-poq. Tamassuma kinguneraa pikkorissarnerit tamaasa allat mattunneqarmata. Tamanna qanoq ilu-seqarfigisinnaavarput?

Sivso: Kommunini ataasiakkaani ilinniaqqinnissanut maleruagassiortarnissaq pingaaruteqarpoq. Ukioq manna aatsaat itigartinneqarsimasunik taama amerlatigisunik saaffiginnittoqarpoq.

Aningaasartai pillugit kommunit sunnuteqarfigisinnaanngilagut. Immaqa iliuuserineqarsinnaasoq ileqqaarnermut assingusooq takorloorneqarsinnaavoq – tassa pikkorissarnerut peqataanissanut as-

sersuutigalugu ukiumut akunnerit 60-it immikkoortillugit, tamannalumi siornatigut anguniarsimagualarparput. Ajornartorsiutilli alliarthonera eqqarsaatigalugu tulliani isumaqatigiinniarnissanut ilannguttariaqarpoq. Illuatungaagitutaaq Suleqatigiinnermut Ataatsimiititaliat tapertaliullugit atorneqarsinnaapput.

Sivso: Bodil-ip saqqummiussaa Inerisaavimmud ingerlateqqissavarput.

Cecilie: Kommunimi atuarfiit tamarmik assigiimmik pineqarnissaat pingaaruteqarpoq.

Bodil: Pikkorissarnernut akunnerit 200-t angunissaat anguneqarsinnaanngitsutut ippoq. Uagut atuarfitsinni pikkorissarnerup tungaatigut suut anguniakkatut ineriartortikkusutavut tullerriaarsimavagut.

Lis: Pikkorissarnissaagaluit ilaatigut nalunaartukinnera patsisaalluni taamaatiinnarneqartarmata uggornarpoq.

Ando: Uagut pikkorissaanermi Angusakka-mik taaguutilimmi peqataavugut, pikkorissaasorpulli napparsimanini pillugu pikkorissarnerup nalaani ikerinnakkut aallartariaqarsimammat naammassisinnaasimanngilagut. Pikkorissaasoqaqqinnissaa kissaatigisinnaavarput? Pikkorissarnerulli affaannaa naammassigaluaripput, pikkorissarsimasutut uppernarsaammik tunineqarpugut.

Sivso: Saqqummiunneqartut tusaatissatut tiguagut, Inerisaavimmullu ingerlateqqissallugit. Piffinni assigiinngitsuni nammineq malikkumasanik pilersaarusiortoqartarnissaa kajumissaarutigeqqippaa. Ajoraluartumik soorlu kommunit ilai pikkorissaanernik periarfissiisarnertik pikkorissarnernut atavullugu aningaasarsianut tapip atuutilernerata kingorna tunuarsimaarfilersimagaat.

### **Sumiginnaasarneq**

Cecilie: Atuartut illoqarfimmud allamut nuunnerini paasissutissanik taakkununga tunngasunik pissarsiniarneq ajornakusoorparpoq. Piffissaq meeqqanut nalinginnaasumik atuartunut atugassaagaluaq taakkununga atortariaqartarpoq. Taakku atuartut atuarfimmud allamut inissilluarnissaannut iliutsinik pitsaanerusunik najoqqutassiortoqartariaqaralarpoq.

Bodil: Pikkorissaanernut eqqartorneqartunut kikkut peqataasussatut eqqarsaatigineqarnersut apequtigaa.

Inger: Meeqqat atonerlunneqartarnerinik malussartarnissatsinnut ilisimasassat tamatta piginngilagut. Pikkorissaanissat qilanaarinerarpai.

Jokum: Atuartut ajornartorsiuteqartut pillugit isumaginninnermi qullersaqarfinit qisuariartarnissaq amigaatigaarput. Isumaginniinnermi qullersaqarfiit tamakku akisussaaffigisamittut isiginngilaat. Atuartut pineqartut qanoq atuartinnissaannut siunnersuutaasinnaasunik amigaateqarpugut. Atuartut pineqartut pillugit nalunaarusiortarpugut, kinguneqarnerli ajorpoq.

Lars: Saqqummiunneqartut tamaasa isumaqatigai. Kommunip iluani suliasat kinguarsarneqartartut allatulli misigisimavaa, atuartut pineqartut ajornartorsiutaat pimoorullugit qanoq iluuseqarfiginissaat siunertaralugu KANUKOKA kimigiiserfigeqqullugu IMAK inappaa.

Ando: Tamaasa taperserpai.

Lis: Atuarfik Mathias Storch-imi angajoqqaanut attaveqartartussanik marlunnik atorfinitsitsinikuuvugut. Taama iliorsimanerput ingerlalluaqaaq – allat taamaliornissaat inassutigirerusunnarsinnaavoq.

Mala: Ajornartorsiutinik nalaataqarutta isumaginninnermi qullersaqarfimmud kalerriussinissaq pissaaffigaarput.

Sivso: Sumiginnaasarnerup annertuumik suliasaqartitsinera nalunngilarput. IMAK-ip tungaaniit toqqaannartumik qanoq iluuseqarsinnaanngilagut – taamaallaat qanoq iluusaasinnaasut siunnersuutigineqartullu Naleqqiiffiup nalaani ilaatigut saqqummiunneqartut innersuussutigisinnaavagut pisortaqarfinnut kommuninullu taakkuninnga susasaqartunut ingerlateqqissinnaallugit.

Piffinni assigiinngitsuni Suleqatigiinnermut Ataatsimiititaliat suliniuteqarnernut qitiulluarsinnaapput.

*Immikkoortoq perorsaanernud tunngasoq tamanit akuerineqarpoq.*

## **Sulinermut tunngasut**

### **Isumaqatigiinniarneq 06 – siunnersuut 3**

Ando: TV-avis-ikkut aningaasarsiat pillugit kukkusooqartarsimaneranik ilanngussaqaarneq siunnersuuteqaarninnut aallaaviuvoq.

Sivso: Aningaasarsiat qanoq naatsorsorneqarsinnaanerat nittartakkatsinnut ilanngunneqassaaq, ta-massumalu saniatigut naatsorsuinissamut immersugassaq, qanorlu atorneqarnissaanut ilitersuut ag-guaanneqarsimapput.

Allattoqarfimmi sulisoqarnerup killeqarnera patsisaalluni suliassap taassuma naammassinissaa ajor-navippoq, taamaammat Ando qinnuivigineqarpoq siunnersuutini tunuardequllugu. Sinnisoqarfiup tulliani ataatsimiinnginnerani atuarfimmik atuarfinilluunniit marlunnik aningaasarsianik naatsor-sueriaatsimik ingerlatsivigineqarsinnaasunik toqqaasoqassaaq.

Taamassuma kingorna Ando-p siunnersuutini tunuartippaa.

## **Piffissaq suliffissaq pillugu isumaqatigiissut**

Oqaaseqartoqanngilaq

## **Akissarsiat ilaat sumiiffinni isumaqatigiinniutissat**

Inger: Tapisiassat atorfeqaarneq tamakkerlugu atuupput, aamma suliffigisamut nutaamut nuunnermi – isumaqatigiissutigineqartariaqarnerili nutaartaavoq.

Paul: Tamatumani IMAK-ip periusersartagai allannguuteqanngillat.

Jokum: Kommunikuutaartumik immikkoortitat (puljer) sipporlugit pisoqarsinnaasoq IMAK-imit oqaatigineqarpoq, paarlattuanillu taamaaliortoqarsinnaanngitsoq KANUKOKA-mit oqaatigineqar-luni. Isumaqatigiinngittoqarpa?

Sivso: Aningaasarsianut agguassassat kommuninit aqunneqarput. Taamaattumik tapisiassat nuun-nermi ingerlaannaq nooqataaneq ajorput. Nuunermilu taakku qulakkeerneqareernissaat isumagi-sariaqarpoq.

KANUKOKA-mit taama nalunaartoqarsimanera IMAK-imit ilisimaneqanngilaq – sippuisinnaanerli ajornanngitsoq isumaqatigiinniarnerni paasivarput.

## **Suleqatigiinnermut Ataatsimiititaliat**

Bodil: Suleqatigiinnermut Ataatsimiititaliani iluamik ingerlanngitsuni suleqatigiinnermut isu-maqatigiissumik IMAK-illu atortussiaanik atuinissaq kajumissaarutigaa.

Lars: IMAK-ip atortussiai missingersuutillu nittartakkamut ilanngunneqarnissaat kissaatiginerar-paa.

Tamannalu naammassineqarumaarpoq.

## **APV**

Cecilie: Atuutilernissaa qilanaarinerarpaa.

Pierre: Isumannaallisaanermut nakkutilliisoq sinniisullu immikkoortinneqassappat? APV-p eqqun-neqarnerata tamanna kingunerissavaa?

Lis: Paasivarput APV kommuninut aningaasartuutaangaatsiartussaasoq. Aallartinneqassava?

Jokum: APV nunatsinnut naleqqussarneqarsimangilaq – taamaattumillu atuutilersinneqaannarsin-naanani.

Sivso: Sullivimmi atukkat pillugit inatsimmi isumannaallisaanermut nakkutilliisoqarnissaa piusaqaataavoq. Ilulissani APV-qarneq aningaasartuutaasimaqaaq. Atornissaanik sulisitsisoq akisusaavoq. APV-p qanoq piviusunngortinneqarnissaa piffinni ataasiakkaani aalajangerneqartassaaq.

## **Feriarnerni angalanernut aningaasaateqarfiit**

Oqaaseqarfigineqanngilaq

### **Soraarnerussutisiaqarfinnut tunngasut**

Bodil: Aningaasat nuunneqarnissaat pillugu sukumiinerusumik nassuiaasoqarnissaa kissaatigaa.

Sivso: Soraarnerisqaqalernissamat akiliutit ullumikkut Danmark-imi Lærernes Pension-imut akilernerqartarput. Nunatsinnut akiliisoqartalissappat akiliisarneq akitsuuteqanngitsoq 31.12.2007 killigalugu pisinnaavoq.

Tamassumali kingorna akiliutit nuunneqassappata 40%-imik akileraaruserneqartassapput – Danmark-imiit nunatsinnut imaluunniit nunatsinniit Danmark-imut nuunneqarput.

Soraarnerisutitut akiliuteqartarnerup nunatsinni aningaasaateqarfinnut pisalernissaa Naalakkersuisunit kissaatigineqarpoq.

Jokum: IMAK-p suna orniginartinneruva?

Sivso: Apeqqut iternga tikillugu akisinnaanngilara. Periarfissat assigiinngitsut maannakkorpiaq misissuataarpavut. Isumaqarpugut aningaasat sumi erniorluarnerpaasinnaanerat isiginiartariaqartoq.

*Sullivimmi atukkanut immikkoortoq tamanit akuerineqarpoq.*

### **Kattuffimmut tunngasut**

#### **Kattuffik – siunnersuut 1**

Ruth: Illerfissarsiutileqatigiinni ilaasortaalluni allamut nuunniaraanni ajornartorsiutitaqartarpoq. Taamaammat IMAK-p iluani aningaasaateqarfirmik pilersitsisoqartariaqarpoq.

Sivso: Siulersuisuni aalajangersimasumik isummersimanngilagut, sinnisoqarfiulli isumaa tusarusullugu. Den Danske Lærerstands Begravelseskasse periarfissatut eqqaavaa, tassungalugu atatillugu maleruagassat ilaatigut akit qanoq aqqiivigineqarsimaneranut tunngassuteqartut taakkartorlugit. Siunnersuut akuerineqassappat allaffeqarfik tulliani sinnisoqarfik ataatsimiittinnagu malittarisassat maleruagassareqqusallu erseqqissarniarlugit misissuisariaqassaaq.

Pierre: Ruth-ip siunnersuutaa tapersinngilaa. Illerfissarsiutileqatigiinni pioreersuni periarfissat atorniartariaqarput. Kiisalu aningaasartai nalorninarput.

Bodil: Siunnersuutigineqartut misissortariaqarput.

Inger: Ruth-ip siunnersuutaa isumaqatiginngilaa. Allaffissornermut aningaasartuutit qaffariassapput. Ilinniartitsisut tamarmik nutseqattaarneq ajorput. Piffinni peqatigiiffiit ilaasortaaffigineqartariaqarput.

Cecilie: Periarfissat aningaasartuutaasinnaasullu misissortariaqarput.

Lis: Siunnersuut ilalerpaa.

Marius: Ruth-ip siunnersuutaa isumaqatigaa.

Johan: Misisuinissamat siunnersuutip taperserneqarnissaa ilalerpaa – naalakkersuinikkut aneriartarfiisaqarnersoq ilanngullugu.

Lars-Peter: Allamut nuukkaanni piffimmi illerfissarsiutileqatigiinnut akiliutigineqarsimasut annaanerqartarpat, imaluunniit nuuffimmut ingerlaqqittarpat?

Anders: Den danske Lærerstands Begravelseskasse-p atornissaa ilalerpaa – siunnersuummullu akerliunini nalunaarutigalugu.

Elna: Misissuisoqarnissaa ilalerpaa.

Sivso: Misissuinissamut siunnersuuteqartoqarnera aallaavigalugu allanngutissamik siunnersuuteqarusulluni oqarpoq. Oqaaseq ”Sulissutigineqassaaq” taarserlugu ima oqaasertalimmik ”misissuisoqassaaq”.

Ruth: Oqaasertaliussaq siulleq atorlugu siunnersuuteqaraluarpunga; akuerisinnaavarali allanngortinneqassappat, oqaasertalerlugu ”misissuineq ingerlanneqassaaq”.

*Siunnersuut allanngortillugu tamanit akuerineqarpoq*

### **Ilaasortat**

Oqaaseqarfigineqanngilaq.

### **Ilaasortanik ataatsimiisitsisarnerit**

Oqaaseqarfigineqanngilaq.

### **Siulersuisut**

Bodil: Suleqatinit siulersuisut isumaqatigiinniarsimanerannik Naleqqiiffiullu aaqqissuunneranik qutsavigineqarlutillu nersualaarneqarput – aatsaat taama nuannertigisumik aaqqissuussisoqarpoq.

Ilaasortaalluni nuanneqaaq. Ajunngitsorsuarmik pineqartartuaannarpugut, ikiorneqartarluta tapersorneqartarlutalu.

Anders: Bodil-ip oqaasii isumaqatiginerarpai.

### **Aningaasaqarneq**

Holger: Missingersuutit naapertorlugit sinneqartoorutissat tunngavigalugit ilaasortat akiliutaata appartinneqarsinnaanerannik saqqummiussivoq - sinneqartoorutit immikkoortinneqassanngippata.

Sivso: Kukkunersuineranut inatsit naapertorlugu immikkoortitsisoqarsinnaanngilaq.

### **Allattoqarfik**

Cecilie: Allaffeqarfiup sulinera naammaginarluinnartutut isiginerarpaa. Attaveqarniarneq pisariit-sunguusarpoq, ajunngitsorsuarmillu pineqartuaannarpugut.

Ando: Cecilie taperserpaa.

Marius: Aamma.

Lars Ejnar: Oqarasuaatikkut saaffiginninnissamut piffissaliussat allanngortinneqarsinnaanngillat?

Frants: Oqaaserineqartut tamaasa isumaqatigai.

Bodil: Allaffeqarfiup inummik ataatsimik ilaneqarsinnaanissaa neriuutiginerarpaa, allallu oqaaseqartut isumaqatiginerarlugit.

Cecilie: Oqarasuaatikkut saaffiginninnissamut piffissaliussat siuartinneqassappata ullut tamaasaa-sariaqanngilaq.

Lis: Sulisut amerlippata oqarasuaatikkut saaffiginninnissamut piffissaliussap siuartinneqarsinnaanera kaammattuutigaa.

Sivso: Inummik ataatsimik atorfinitsitsisinnaanerput misissorparput. Suliassanut aalajangersimasunut suliarinninnissatsinnut piffissaqarnissarput pingaaruteqarpoq, aammalu suliarisavut ataasiakkat sukumiinerusumik suliarinissaannut periarfissaqartarluta. Tamanna ajornakusoorsinnaasar-

poq piffissaq oqarasuaatikkut saaffiginnittunut aamma atortassagutsigu. Suliassanut nukinginnar-  
tunut mail periarfissaavoq, taakkumi nassiunneqartullu ingerlaannaq takusarpavut.

**Sinniisunik pikorissartitsinerit**

Oqaaseqarfigineqanngilaq.

**Aqutsisunik pikkorissartitsinerit**

Oqaaseqarfigineqanngilaq.

**Nunaqarfiit atuarfiini aqutsisut kiisalu inatsisilerineri pikkorissarneq**

Lars-Peter: Nunaqarfinni atuarfiit aqutsisuinik pikkorissartitsinerpassuit inaarutaasumik ingerlan-  
neqarnissannut ilaatigut Inerisaavimmik suleqateqarnissaq isumassarsiatsialaavoq.

**Danmarks Lærerforening**

Oqaaseqarfigineqanngilaq.

**Nordisk Lærerorganisationers Samråd**

Oqaaseqarfigineqanngilaq.

**Sullivimmi atukkat / Arbejds miljørådet**

Oqaaseqarfigineqanngilaq.

**Allaffimmik sanaqqiineq**

Lars-Peter: Allaffittaaq takornariartinneqartariaqaralarpoq.

**Piginnaanngorsaanermi Siunnersuisoqatigiit**

Oqaaseqarfigineqanngilaq.

**ICC**

Oqaaseqarfigineqanngilaq.

**PIP sulisullu kattuffii allat**

Oqaaseqarfigineqanngilaq.

**KANUKOKA**

Bodil: KANUKOKA-p suleqatiginiarnera ajornukusoortoq paasivara – suleqatigiinnerup pitsaan-  
erumik ingerlalernissaa eqqarsaatigalugu siulersuisut sooq - aamma qanoq - takorluugaqarpat?  
Qanoq-una pisoqartoq?

Cecilie: Bodil isumaqatigaara. Ilaatigut ilinniartitsisussaaleqineq pillugu ataatsimiititaliami IMAK-ip peqataatinneqarnissaa il. il. ajornartorsiutinut akuuvoq. Siunissami KANUKOKA-p suleqatigiluarneq neriutigaara.

Sivso: KANUKOKA-p siulittaasuata oqaatsit anitai nuanninngillat. Siusinnerusukkut Karl Nielsen annertuumik suleqatigisarsimavarput, taassumalu ilinniartitsisut akuutinnissaat assut ataqqisimavaa. Sulisoq nutaaq erseqqissumik oqarpoq isumaqarluni IMAK nukittuallaartoq, tamannalu allanngortittariaqartoq. Siulittaasup taama oqaaseqarnera taassuminnga aallaaveqarunarpoq. Taamatullumi eqqarsarneq allanngortittariaqarpoq.

Tamatigut akisussaaqataarusunnerput takutittuassavarput.

KANUKOKA-p ataatsimeeqatiginissaa pisariaqarpoq, tamatumani Naleqqiiffimmi siunniunneqartut saqqummiuttariaqarsigik. Atuarfinnini ulluinnarni pissutsit uagut ilisimasaqarfigilluarpavut.

## **KIIP**

Ando: KIIP-ip annertusisamik immikkut atuartitsisarneq eqqumaffiginerusariaqarjaa. Taakku pineqartut atuartitaanerata ataqatigiissaariviginerusariaqarpoq.

Sivso: Atuartut pineqartut pitsaanerumik kiffartuunneqarnissaat neriorsuutigisinnaannginnerarpaa. Nalunaarusiassaq suliluarineqanngilaq – tusatsiakkat naapertorlugit nalinginnaasumik immikkut atuartitsisarneq unitsinneqarsimavoq. Sunniuteqarsinnaassuserput atorluarniarsarissavarput.

Jokum: PPR-mut tunngasut ajornartorsiutitaqarput. Nalunaarusiassap nutaap suliarineqarnerani tamanna eqqumaffigeqquaa.

## **FTF**

Oqaaseqarfigineqanngilaq.

Ando: Qeqertarsuarimi tikeraarneqarneqarnissarput pisariaqartipparput – naak Qeqertasuaq tikik-kuminaakkaluaqisoq.

Sivso: Ittoqqortoormiit, Upernavik, Uummannaq Qeqertarsuarlu angunngitsoorpavut – naak tikik-kusussimagaluarlugit; ilaatigut inuttassaaleqineq patsisaalluni periarfissaqarfigisimanngilarput. Saqqummiunneqartut tusaatissatut tiguagut, siulersuisullu sapinngisamik sumiiffiit amerlanerpaat orninniarumaarpaat.

Cecilie: Siulersuisut tamarmiusut qutsavigai sulilluarnerinillu nersuualarlugit.

*Immikkoortoq taamaalilluni tamanit akuerineqarpoq*

## **Allat**

### **Ilinniartitsisoq**

Lis: Ilaasortat akuutinnerunissaannik kajumissaaruteqarpoq. Atuarfik Mathiaq Storch-imi ajornartorsiutut pillugit Ilulissanit ilanngussassatut allakkiaq ilanngunneqanngilaq, tamannalu pakatsisutigineqarpoq. Sumiiffiup ataasiinnaap sammineqarnera patsisigineqarpoq. Taavami suut allaaserisassavagut?

Sivso: Tamanna aaqqissuisup akisariaqassavaa.

Lis: Brian-ip akissutaa paasinialugu Sivso sianerfigisimagaluarpara.

### **Qarasaasiakkut nittartagaq**

Oqaaseqarfigineqanngilaq.

## **Tjenestemændenes Låneforening & Danmarks Lærerforenings Låneforening**

Bodil: Lån og Spar-imi aamma atorniartoqarsinnaavoq – qanoq?

Sivso: Danmarks Læreforenings Låneforening tassaavoq Lån og Spar-imi atorniartartoq.

### **Nalunaarsuut**

Oqaaseqarfigineqanngilaq

### **Allat**

Lis: Atuartut sinniisaasa mappertagaat nittartakkamut ivitserneqarsinnaagaluarnerpa – apeqqut taanna siorna sinniisoqarfiup ataatsimiinerani qaqinneqarpoq.

Sivso: Siorna atuartut sinniisaasa mappersagaat ullutsinni pissutsinut naleqquttunngorsartinniarlugu suliffeqarfimmut tunniukkalarparput uagut nammineq nittartakkatsinnut ivertinniarlugu. Aki-suallaqimmalli nammineerluta suliarinialersaarparput. Isumaqatigiinniarnert Naleqqiiffillu piffis-samik annertuumik atuiiviusimapput. Maannakkut silaannartaqarnerulertussaagunaratta naleqqus-saaneq pereeriarpat tamanna naammassineqarsinnaassaaq.

Inger: Sulisut sinniisai arlallit sillimmasiisanernek gruppe-liv-imik taaguutilik tassanilu periarfissat eqqumaffiginngikkaat malunnarpoq.

Lis: Oqaaseq ”skolerådgiver” isumaqatigiissummi ator-neqartoq peertariaqarpoq oqaatsimillu ”Vej-leder”-imit taarserneqarluni.

Bodil: Avannaani sinniisut kiserliortorujussuupput. Assersuutigalugu oqarasuaatikkut ataatsimiit-tarnertigut oqilisaaffigineqarsinnaagaluarput.

*Kattuffimmut tunngasunut immikkoortoq tamanit akuerineqarpoq.*

*Taamaalilluni siulittaasup nalunaarutaa akuerineqarpoq.*

## **4. Siunnersuutit**

## **5. Naatsorsuutit**

### **Immikkoortup imarivai:**

IMAK-ip 2006-mut naatsorsuutai

Immikkut Aningaasaateqarfiup 2006-imut naatsorsuutai

Feriarnerni angalanernut aningaasaateqarfiit 2006-mut naatsorsuutaat

Timelærer-it feriarner-ni angalanerni aningaasaateqarfiata 2006-mut naatsorsuutai

### **IMAK-ip 2006-mut naatsorsuutai**

Lisbeth Frederiksen-ip naatsorsuutit saqqummiuppai.

Inger: Immikkoortoq ”Ilinniartitsisup aaqqissuisuanut oqarasuaat/internet” apeqquteqarfigaa.

Lisbeth: Aaqqissuisoq Danmark-imi najugaqarmat aningaasarsiaanut nuunneqarsimavoq.

*Naatsorsuutit tamanit akuerineqarput.*

*Matumuuna siulersuisut pisussaaffeeruttutut nalunaarfigineqarput.*

**Immikkut aningaasaateqarfik – 2006-mut naatsorsuutit**

Lisbeth Frederiksen-ip naatsorsuutit saqqummiuppai.

*Naatsorsuutit tamanit akuerineqarput.*

*Matumuuna siulersuisut pisussaaffeeruttutut nalunaarfigineqarput.*

**Feriarnerni angalanernut aningaasaateqarfiit – 2006-mut naatsorsuutit**

Lisbeth Frederiksen-ip naatsorsuutit saqqummiuppai.

*Ilisimatitsineq sinnisoqarfimmit tusaatissatut tiguneqarpoq.*

**Timelærer-it feriarnerne angalanernut aningaasaateqarfiat - 2006-mut naatsorsuutit**

Lisbeth Frederiksen-ip naatsorsuutit saqqummiuppai.

*Ilisimatitsineq sinnisoqarfimmit tusaatissatut tiguneqarpoq.*

**6. Missingersuutit ukiumullu tulliuuttunut ilaasortat akiliutissaat**

Sivso-p missingersuutit saqqummiuppai.

2007-mi ilaasortat akiliutaat allanngortinneqassangitsoq siulersuisut siunnersuutigaat.

**Ilaasortat akiliutaat:**

Naliginnaasumik ilaasortat:	kr. 375,00 qaammammut
Immikkut ilaasortat:	kr. 95,00 qaammammut
Soraarnerit:	kr. 60,00 qaammammut
Affarmik akiliisartut:	kr. 187,50 qaammammut

Bodil: Sinnisut pillugut imm. 11-mi allaqqasoq apeqquteqarfigaa.

Sivso: Ilaatigut sinnisut ataatsimiinnerminni aningaasartuutaannut matussitissaapput.

*Ilaasortat akiliutaata allanngortinneqannginnissaanut siulersuisut siunnersuutaat akuerineqarpoq.*

**7. Kukkunersuisunik sinnisussamillu qinersineq**

Pierre aamma Elna kukkunersuisussatut siulersuisunut siunnersuutigineqarput.

*Qinigaapput.*

Cecilie sinnisussatut siulersuisunit siunnersuutigineqarpoq.

*Cecilie qinigaavoq.*

## 8. Oqaatigiumasat allat

Sinnisoqarfimmut allakkat ataanni takuneqarsinnaasut ataatsimiinnermi aqutsisup atuarpai:

*”Siullermik GLF-imi kingusinnerusukkullu IMAK-imi ukiorpassuarni ataatsimeeqataasareerlunga sinnisoqarfiup ataatsimiinnerani naggataarutaasumik pissutissaqavillunga peqataasinnaanngin-nera ajuusaarutigeqaara.*

*Taamaattumik allagaqarlunga siulersuisut sinnisoqarfimmilu suleqatikka allat ukiut ingerlanerini suleqatigiilluarsimanitsinnik qutsavigerusuppakka.*

*Immikkut allattoqarfimmi sulisut qutsavigerusuppakka, pisariaqartikkaangakkumi tamatigut ikiuunniartarmata siunnersortarlungalu.*

*Ilisimatitsissutigissavara 2008-p aasaanerani soraarnerit klub-iannut ilaasortanngornissara naat-sorsuutigigakku.*

*Inuulluaqqusillunga*

*Bent-Ole Knudsen*

*Qaanaaq”*

Cecilie: Siulittasup nalunaarutaanik immikkoortiterilluarsimaneranik ataatsimiinnitsinni aqutsisor-put qutsavigerusuppara.

Bodil: Aqutsisutsinnut qujanaq – angerlamut apuulluarna. Arlaatigut takoqqinnissat qilanaaraarput.

Marius: Siulersuisut oqilisaanniarlugit biilisissuttariaqaralarput.

Sivso: Naggasiivoq – ataatsimiinnermi aqutsisoq qutsavigalugu, kiisalu oqaluttaasoq piffissaqar-piartitaanami akuersisimasoq aamma qutsavigalugu.

Allattoqarfimmut qujanaq, Naleqqiiffimmik kiisalu sinnisut pikkorissartinnerinik ulapputeqarsi-maqaasi.

Naleqqiiffimmi suleqatigiinnikkut ajunngitsumik angusaqarsinnaaneq takuarput. Kattuffitta sutigut ingerlanissaanut siunnerfissatsinnik pissarsivugut.

Sinnisoqarfimmi pimoorussilluarnermut qujanaq.

Maannakkut aalajangerparsit nunatsinni ilinniartitsisut tamarmik ataatsimoortumik kattuffeqalernis-saat sulissutigissagipput. Aappaagu sinnisoqarfiup ataatsimiinnissaanut saqqummiussassatsinnik piareersaateqarssuugut.

Siulersuisuni ilaasortat ataasiakkaarlugit qutsavigaakka. Siulersuisuni suleqatigiilluarsimavugut, pi-sariaqaraangallu isummavut assigiinngikkaangata naapeqatigiiffissarsior-tarsimavugut.

Tamassi uterusit Naleqqiiffimmi isumassarsiat qaqinneqartut suleqatissinnut oqaluttuariniasigut.

Inger, Jokum aamma Holger naggammik peqataasut qutsavigai.

Lis ukiorpassuarni peqataasarsimavoq, massakkullu Ilulissat sinnerlugu peqataasarnini unitsikku-sussimallugu. Qujanaq pimoorussilluarlutit suleqataasarsimagavit.

Ulla-mut qiujanaq, illit atuarfimmi suliffigisanni tamakkiisumillu nunatsinni atuarfeqarnermut tunngasuni sunniuteqarluarsimavutit. Aamma Ilinniartitsisumi ulapeqataasarsimavutit kiisalu ilitser-suisutut peqataasarsimallutit. Sulinnit pimoorussilluartarnernik qujanaq.

Tamanut qujanaq.

Sinnisoqarfiup ataatsimiinera marlunngornermi 17. april nal. 14.15 naammassivoq.

Sivso Dorph  
Siulittaasoq, IMAK

Mikkel Michelsen  
Ataatsimiinnermi aqutsisoq